

Ciengmyauz Myauzcuz Yungzsuij:

Ngoenzciet Conzdungj Ceiq Angqyangz Ceiq Hoenghhwd

融水苗家苗年——最隆重最喜庆的传统节日

□ Luogz Cidaub ingj Siobhyungz boiz

Caez diuq foux "dohyeh", lauxnyez cungj angqyangz.



▲ Dahniq angq diuq foux, iqet couh ciephan.



▲ Ngoenzciet sau ceiq angq, ndaej bae siengq mbauggwiz.



▲ Caez caijdangz mbaenj fuk, doxsug lumj vunzranz.



▲ Dajcuengq caeq goengcoj, mbaeni bi moa bingzan.

Ciengmyauz dwg ngoenzciet conzdungj hoenghhwd beixnuengx Myauzcuz, ngoenzciet gyoengq vunz angqyangz doxcomz, angqhoh fungsou, mbaenjgouz bi moq rumz dingh fwn yinz, gohaeux fungsou, vunz lai ndangrengz vuenyungz.

Ciengmyauz, Vahmyauz gangj "naengznang", gak dieg ngoenz gvaq ciengmyauz cix mbouj doxdoengz geijlai, youq Yungzsuij Myauzcuz Swciyen, gyoengq beixnuengx Myauzcuz dwg aeu liggaeuq ndwenit ngoenz samcib guh ngoenz haemhndaep, ngoenz daihngaih hainduj dwg gvaq cieng. Doenghbi neix daeuj, Yungzsuij mbaenj Myauzcui gaenq dawz ciengmyauz caeuq ndwencieng doxhab hwnjdaeuq gvaq, hoeng mbaenj Myauzcui lij itcig gvaq ngoenzciet conzdungj neix, ndawde suengq Dungdouz Yangh Luzcin Cunh gvaq ciet ceiq hwnghoengh. Luzcin Cunh dieg youq giz gapgyaiq Gveicouh caeuq Guengjsae, moix bi liggaeuq ndwenlab ngoenz coit (roeb ndwenit mbouj miz ngoenz samcib cix daen daengz co'ngaih) dwg beixnuengx Myauzcuz dangdieg cieng moq ngoenz daih'it. Ngoenz haemhndaep, rangh dieg neix ranzranz baet ranz seuqsat, gaj mou gaj yiengz (vaiz) loengh haujlai byaek gvaq cieng, vanzlij bwh baenz gang laeujhaeuxcid, caiq aeu gij haeuxcid ceiq ndei haenx daeuj guh "ceizcieng", doxlwnz cingjhek caemhcai q doxsoengq laexcieng, caezgya angqyangz soujhwnz, daengz gaeqhaen dangq daih'it le bae rap raemx moq ma, yienzhaeuh cawjranz youq henz saeuq dajcuengq caeq

goengcoj. Ngoenz cieng moq banhaet, gak cuz beixnuengx gij mbanj song senggih henzyawj haenx couh cangndang moqsup lwenqda dwk comz daengz Luzcin Cunh, Myauz, Yauz, Dung, Gun daengj gak cuz beixnuengx doxsug lumj ranz vunz ndeu nei, guh boq venz caijdangz, ciengq go eu fwen daengj hozdung, gwn ngaiz dep laeuj, angqyangz nauhyied dangqmaz. Gvaqlaeng cibgeij ngoenz ndawde, henzyawj Luzcin Cunh song senggih sam aen yangh cib lai aen mbanj doxlwnz cingjhek, caezgya boq venz caijdangz, bae mbanj giet doengznienz, doxcomz angqyangz nauh cieng moq, gvaq 17 ngoenz le youq Liengzcai Yangh gih raeuz gvaq sat.

Gij fungsug hozdung ciengmyauz lai cungj lai yiengh, cawz itdingh aeu dajcuengq caeq goengcoj, boq venz caijdangz le, lij bae mbanj giet doengznienz dem, moix bi ciengmyauz, daengx mbanj mbwksai geijcib vunz roxnaeuz baenz bak vunz, cangndang gyaendei, daiq aenvenz dwk roq gyong roq laz bae mbanjdoengznienz guh lienzvuen hozdung. Gyoengq vunz bae daengz bakmbanj le, sien boq venz lwnh gyoengq bouxcawj mbanjdoengznienz, gyoengq vunzcawj ndaw mbanj neix dingqnyi le caemh baenz mbanj vunz okdaeuq angqcoux, seizneix sing venz sing go hap rwenz byonghmbwn gwnz mbanj. Bouxhek itbuen youq baenz sam ngoenz, doengxngoenz boq venz caijdangz, guh boq venz doxdax, doengxhaemh yienj Heihmyauz, daengx mbanj hwnzngoenz sing go



▲ Boux laux son boux nyaeq, dinfwngz ndaej swnj-cienz.

hap rwenz sing riu gyukgyad, angqyangz nauhyied cix mbouj caemdingh gvaq. Gyoengq bouxcoz caengz baenzgya haenx youq geij ngoenz neix cix angq dwk "naenghhwnz" doiq fwen doxgyau, ra boux doxngamj bonjfaenh, cingzeiq nangqnwt.

Ndaw ciengmyauz cawz gij hozdung baihgwnz gangj haenx le, lij banh miz vaiz doxdaemj, max doxdik, roeg doxdoj, nyingz naq, bin faexsoux daengj conzdungj diyyuz doxdax hozdung, nauhyied ndei yawj, yinx baenz cien baenz fanh bouxhek bae humx yawj, doxhaemh guh' angq, nauhnauh yiedyied gvaq mbat ciet daegbied ndeu.



▲ Boq venz coux hek daengz, caencik baengzyoux angq.



▲ Angq diuq foux gyongfaex, vunz naeuz ndei yawj lai.



▲ Max doxdik doxdax, hawj daihgya hemq ndei.